


辛 亥 九 月 出 版

中國革命記

第 二 冊



上 海 望 平 街 時 事 新 報 館 發 行

中華民國

武昌民軍協統

何錫蕃



李克果

中華民國

武昌民軍之健將

RWT/1438/02

中華民國

佔領宜昌勇將

曾廣大




中華民國鄂軍都督之示

本都督黎示


照得民間服裝改變於國民經濟攸關近聞街市
之中有百姓頭戴瓜小帽兵丁令其擲棄於地須知
現時西式便帽坊間不易購得所有民間服裝志
能其照常戴用不得勒抑令其棄擲其有違
毋違切特示 君仰通知

黃帝紀元四千六百零九年九月十一日

武昌民軍出戰圖



武昌軍民渡江至漢口圖



中國革命記第二冊

目次

圖畫

曾廣大肖像 李克果肖像 何錫蕃肖像

中華民國鄂軍都督之示

武昌民軍出戰圖

武昌民軍渡江至漢口圖

大事記 九月初一日起初十日止

交戰記 九月初一日起初十日止

論近日臣民之心理

黃興子一歐

湯化龍

文牘

中華民國南軍都督檄告漢人之爲滿清將士文

中華民國湖南軍政府討滿清檄文

章程

湖北軍政府內部組織之條例

文苑

古今體詩六首

記事一

大事記

辛亥九月初一日。漢口北軍與民軍未交戰。

清監國攝政王面奉隆裕皇太后懿旨。近來南省迭被水災。今年湖北又有匪黨作亂。俯念饑民難民。流離蕩析。深爲憫惻。亟加恩賑。撫現將孝欽皇太后所遺宮中內帑。內撥銀二十萬兩。由內務府發交袁世凱派委妥員。在湖北一帶核實賑濟。以惠災民。欽此。按宮中內帑。以清孝欽顯皇后一人之私蓄。已不下數千萬金。今挾區區之二十萬。以示惠吾民。不知僅搜刮吾民之九牛一毛耳。誰其感之。

清旨廕昌電奏。督隊南下。二十六日夜行抵信陽。步兵第二十二標已由統帶馬繼樹於二十四日抵漢口江岸。遇匪徒兩次來攻。均經擊退。拿獲三名。奪獲馬匹服裝等件。混成第三協已由統領王占元於本日統率全軍抵漢口。刻據探報。逃匪仍據

武漢尙無大股奔竄武昌城內。叛兵潰散頗多。擬刊布告示。令其繳械免罪。以期解散。行營現暫駐信陽。俟混成第四鎮經過。卽督率尅日前進等語。布置尙合機宜。均照所擬辦理。仍著該大臣妥慎籌畫。相機剿撫。以期迅蕩匪氛。欽此。按重兵南下。所耗不貲。而報功僅如是。嗚呼。所謂迅蕩匪氛者。今竟何如耶。

湖南省城長沙府爲民軍佔領。湘撫余誠格先期將新軍調駐城外。是晨九時。北門外火旋奉檄駐守醴陵之常備軍欲入小吳門守門之巡防軍初不納。常備軍語以吾儕同胞何必相苦。防軍諾之。遂入城。民軍人持白巾一束。見防軍則縛巾於其袖。防軍亦樂從之。防營統領黃忠浩聞兵變。急出勸阻。被殺。副統領焦昱字達峯贊成革命。被推爲湘軍都督。陳作新被推爲副都督。舉譚延闓爲民政總長。以諮議局爲軍政府。分十五部治事。湘撫余誠格學使兼藩使黃以霖。關道汪瑞闓各官均逃匿。巡道戚朝卿勸業道王曾綬首縣陳瀛皆被殺。

九月初二日。漢口北軍與民軍未交戰。

江西九江府爲民軍佔領。此處響應。實爲五十五標一營管帶范□□。二營管帶何□□。礮臺守將徐世法。連合舉事。先由教練官黃子卿商於標統馬毓寶。馬亦贊成。卽於夜間焚燒道署。九江道保恆。九江府璞良。及防營統領張檢。均逃出。霎時間。各營兵士。悉以白布纏於左袖。舉馬毓寶爲駐潯統領。徐世法爲駐潯礮臺統領。而大事定矣。

九月初三日。漢口民軍先鋒隊。於夜間與北軍交戰於朱家河。民軍勝。

江西九江府之湖口礮臺。彭澤縣之馬當礮臺。均爲民軍佔領。駐潯統領馬毓寶。組織中華民國駐潯軍政分府。以九江道署爲辦事處。以府署爲軍士會合處。復推九江鎮李雲峯爲駐潯民軍副統領。

湖北襄陽府爲民軍佔領。襄陽爲邊界要地。由黎都督委陳世啟。前往節制水陸防營。并編練團勇。以爲後勁。於是襄陽人民。咸懸白旗以歡迎之。而襄陽遂爲民國所有矣。

陝西省城西安府爲民軍佔領。初由新軍起事。撫署被焚。署理巡撫錢能訓不知下落。藩台以下各官均逃。

九月初四日。漢口北軍與民軍戰於七里河。民軍初敗後勝。

廣東廣州將軍鳳山。由香港乘寶璧兵輪到省。甫登岸。行至大南門外。革黨岑開始（恩平人）以炸彈擊斃之。並傷衛隊數十人。

湖南湘潭縣有土匪滋擾。焦都督遣民軍平之。並佔領其地。

湖南岳州府爲民軍佔領。由軍政府派人爲知府。

陝西潼關廳爲民軍佔領。

九月初五日。清旨監國攝政王面奉隆裕皇太后懿旨。現在設立慈善救濟會。著賞宮中內帑銀三萬兩。以資拯濟。欽此。又旨。資政院奏。部臣違法侵權。激生變亂。據實糾參一摺。據稱禍亂之源。皆郵傳大臣盛宣懷欺朦朝廷。違法斂怨。有以致之。該大臣手握交通機關。不惜專復擅權。隔絕上下之情。於應交院協議交閣議決之案。一

切不顧於閣制發表之後二日。首先破壞。單銜內奏。罔上欺民。塗附政策。釀成禍階。此次川亂之起。大半原因。卽以該部奏定。僅給實用工料之款。以國家保利股票。不能與鄂路商股一律照本發還。又將施典章所虧倒數百萬。棄置不顧。怨苦鬱結。上下爭持。川亂卽作。人心浮動。革黨叛軍。乘機竊發。該大臣實爲誤國首惡等語。鐵路國有。本係朝廷體恤商民政策。乃盛宣懷不能仰承德意。辦法諸多不善。盛宣懷受國厚恩。竟敢違法行私。貽誤大局。實屬辜恩溺職。郵傳大臣盛宣懷著卽行革職。永不敘用。內閣總協理大臣大學士那桐徐世昌。於盛宣懷朦混具奏時。率行署名。亦有不合。著交該衙門議處。嗣後該大臣等於一切用人行政事宜。務當不避嫌怨。竭誠贊畫。以維大局。而濟時艱。欽此。又旨。郵傳大臣著唐紹怡補授。迅速來京供職。未到任以前。著吳郁生暫行兼署。欽此。又旨。前派端方前往四川查辦鐵路事宜。嗣據都察院代奏四川京官曾鑑等。爲川民爭路。致釀重案。懇飭秉公查辦。以維大局。而遏亂源。呈一件。又經諭令端方按照所陳各節。秉公查明具奏。茲據端方電奏稱行。

抵川境。迭據各屬士紳代表呈訴。並先後接據委員報告。及所聞官紳議論。詳加考核。查得川中罷市罷課。不戕官吏。不刦倉庫。絕非逆黨勾結爲亂。其七月十五日民居失火。僅係南打金街民人自行失慎。人民因蒲殿俊羅綸等被拘。赴轅請釋。統領田徵葵擅行槍斃街正商民數十人。附近居民聞知。遂首裹白巾。奔赴城下求情。又爲斃鎗數十人。以致衆情憤激。其所傳布之自保商權書。並無獨立字樣。亦無保路同志會及股東會圖記。其中且有皇基萬世等語。並非出自蒲羅等之手。又有搜獲之牙牌血書。皆匪徒假託。非士人所爲。川中官吏周善培王掞饒鳳瓌等。復挾諮議局糾舉之嫌。搆成冤獄。不納捐糧一說。係官紳聯合會內提倡。有緩辦捐輸。以請息扣糧之議。並非股東實行征收國家租稅等語。此次川事糜爛。既據端方查明。實由官民交鬭而成。所有辦理不善之地方官。自應分別懲治。前護四川總督王人文。現署四川總督趙爾豐。身任封圻。既不能裁制於前。復不能弭患於後。實屬咎無可辭。王人文趙爾豐均著交內閣議處。署松潘鎮總兵營務處總辦候補道田徵葵。貪功

妄舉擅斃平民。著卽行革職。發往巴藏。責令戴罪圖功。署提法使勸業道周善培。輕躁喜事。變詐無常。候補道王揆王梓。結怨紳商。聲名惡劣。均著卽行革職。候補道饒鳳璫。資輕望淺。輿論不孚。著以同知降補。以昭炯戒。四川諮議局議長法部主事蒲殿俊。副議長舉人羅綸。度支部主事鄧孝可。翰林院編修顏楷。貢生張瀾。民政部主事胡嶸。舉人江三乘。葉秉誠。王銘新。對於匪事。絕無干涉。均著卽行釋放。主事蕭湘前被拘留。著一併免其置議。現在川省土匪竊發。蹂躪地方。煽脅良民。蔓延日久。著端方傳旨責成蒲殿俊等。分投開道。迅速解散。不得藉詞諉卸。其有抗拒不服。甘心作亂之匪徒。仍著端方趙爾豐嚴飭地方文武切實剿辦。總使良莠分明。毋枉毋縱。以示朝廷綏靖地方之意。餘著照所議辦理。該衙門知道。欽此。又旨據盛宣懷奏設立慈善救濟會。派員赴鄂救濟被難人民一摺。此次湖北變亂。武漢居民同遭慘禍。現既不得已而用兵。凡前之受傷被難軍士。其困苦尤堪憫念。著卽設立慈善救濟會。盛宣懷現已革職。著尙書呂海寰安速籌辦。並督飭派往各員於醫傷救難兩事。

認真救濟。又片奏令沈敦和福開森前往辦理救濟事宜。又片奏在京設立會所。選派得力人員。隨同規畫各等語。均著呂海寰酌核辦理。該衙門知道。欽此。嗚呼。盛宣懷雖冥頑昏迷。其官職不過郵傳大臣也。不過國務大臣之一也。其所主張之政策。使內閣總理辦理。不以爲然。不能實行者也。故政策實行。貽禍誤國。盛宣懷固不得辭咎。內閣總理實負完全責任。今資政院議員不効總理。慶親王奕劻而僅効一國務大臣。盛宣懷是何法理。盛宣懷革職永不敘用。協理交議而奕劻適以告假未及署名。反得置身事外。是何法律。至於川省抗路之初。人人咸知爲平民要求。非匪類叛亂。有奏請者。有電告者。皆置之不顧。一任趙爾豐之駢誅妄殺。大局旣糜爛矣。冀藉一紙空文挽回人心。嗚呼。顛倒錯亂。一至於此。是欲國之不亡得乎。

貴州省城貴陽府兵變。遂爲民軍佔領。

九月初六日。漢口北軍與民軍交戰於劉家廟。官軍以詐勝。民軍退駐大智門。

清旨監國攝政王面奉隆裕皇太后懿旨。現在湖北用兵。軍需浩繁。著撥出宮中內

帑銀一百萬兩。由內務府發交度支部。專作軍中兵餉之用。欽此。又旨。湖廣總督袁世凱。授爲欽差大臣。所有赴援之海陸各軍。並長江水師。暨此次派出各項軍隊。均歸該大臣節制調遣。其應會同各省督撫者。隨時會同籌辦。凡關於該省勦撫事宜。由袁世凱相機因應。妥速辦理。軍情瞬息萬變。此次湖北軍務。軍諮府陸軍部不爲遙制。以一事權。而期迅奏成功。欽此。又旨。陸軍大臣蔭昌。部務繁重。勢難在外久留。著卽將第一軍交馮國璋統率。俟袁世凱到後。蔭昌再行回京供職。欽此。又旨。馮國璋著總統第一軍。段祺瑞著總統第二軍。均歸袁世凱節制調遣。欽此。又旨。張鳴岐電奏新任廣州將軍鳳山。由滬來粵。初四日辰刻登岸。行至南門外。突有炸彈轟發。轟倒道旁民屋牆壁。鳳山所乘肩輿。亦被摧壓。隨經將火撲滅。搜出鳳山屍身。懇恩賜卹等語。廣州將軍鳳山。由京旗章京洊升副都統都統。訓練近畿各鎮。簡任荊州將軍。調補廣州將軍。宣力有年。克勤厥職。茲因赴任。甫經到粵。猝遭慘害。深堪憫惻。著加恩予諡。追贈太子少保銜。照將軍陣亡例從優議卹。任內一切處分。悉予開復。

應得卹典。該衙門查例具奏。靈樞回旗時。沿途地方官妥爲照料。准其入城治喪。並著該旗將該將軍子嗣查明具奏。候旨施恩。欽此。又旨。廣州將軍著春祿補授。欽此。又旨。廣州漢軍副都統著恩澤補授。未到任以前。著文泰兼署。欽此。又旨。凱世袁電奏起程日期。知道了。著卽妥籌布置。迅赴事機。欽此。按袁世凱。馮國璋等。爲漢大臣之知兵者。蔭昌鳳山等。爲滿大臣之知兵者。袁馮皆奉親臨前敵之命。是以漢人殺漢人也。使袁馮之天良猶在。當不復應命而袁固匆匆出山矣。馮固皇皇赴漢矣。其心尙可問歟。蔭統大軍南下。遲遲不能奏功。鳳山新任將軍。驟斃於炸彈之下。說者謂滿員之能戰者。鳳當首屈一指。蔭昌次之。然則鳳之死也。實爲民軍去一勁敵也。關係豈淺鮮哉。

九月初七日。漢口北軍與民軍交戰。民軍以人少不敵。退至漢陽。遂失劉家廟大智門車站各地。

山西省城太原府兵變。先是有人至軍隊中說以自立。適西安警報至。晉撫調新軍。

兩營開往陝邊防堵。是晚發給子彈糧餉。定翌辰起程。兵士皆不用命。

九月初八日。民軍調重兵渡江。與北軍劇戰。北軍大敗。民軍遂奪回劉家廟大智門漢口車站各地。

清旨。蔭昌電奏官軍在漢口地方。連日與匪相接。時有斬獲。初六日向前進攻。行抵洋油廠西方。遇匪約千數百人。官軍協力猛攻。薩鎮冰所統兵艦。並在附近援助。逐節進占。匪仍力行抗拒。嗣因我礮力劇烈。匪遂向大智門紛紛潰散。官軍乘勝追擊。至跑馬場。匪憑據高壘。極難摧陷。初七日早。官軍用山礮側攻互擊。匪勢不支。相繼潰退。官軍追蹤掃盪。直至漢口街市。因兵力過勞。稍事休養。卽進奪漢陽。迅圖撲滅等語。此次進攻漢口。斃匪千數百人。奪獲山礮三十六尊。軍械多件。當匪礮猛擊之時。艱險異常。該將士等奮不顧身。爭先用命。實屬忠勇可嘉。該大臣督率有方。尤堪嘉尚。仍著該大臣督飭將士一鼓作氣。收復武漢。俟袁世凱到後。再行回京供職。欽此。又旨。湖北省城亂事初起。瑞澂身任總督。棄城逃走。避登兵輪。當將該督革職。諭